



UNIVERSITÄTS-
BIBLIOTHEK
PADERBORN

**Jacobi Sadoleti Card. Et Episcopi Carpentoractensis Viri
Disertissimi, Opera quæ exstant omnia**

Sadoleto, Jacopo

[Francofurti], 1607

XI. Iacob. Sadolet. S.R.E. Cardin. Ambrosio Catharino Polito, S.P.D.

[urn:nbn:de:hbz:466:1-69244](https://nbn-resolving.org/urn:nbn:de:hbz:466:1-69244)

iam serio, mi Catharine: cupio vehementer audire quid agas. In studiis te esse arbitror: quod enim iam aliud tibi est negotium? Veruntamen si mihi aliquando indicasses, quae tibi opera essent in manibus, valde mihi rem gratam mediisfidius fecisses. Ego hinc quanquam familiaribus curis grauius implicatus, quam multa necesse habeo extricare, quae antea contraxi: tamen scribendi & elucubrandi curam non defero: volumenque contentum quod si Deo bene iuuante ex sententia processerit, non nihil esse arbitrabor esse actum: Habeo autem propositum argumentum, ut tu scias, de ordinibus & constructione catholicae ecclesiae reliqua iam tu nosti. Magna res est, meisque viribus longepositor: sed tamen quoniam semel suscepta est, non est per ignauitiam abiicienda. In tanta re vtriusque operis & consilio tuo cum opus fuerit. Nunc volui te fieri participem consilii mei, ut videres & animaduerteres, me ne in otio quidem otiosum esse posse. Otium potest esse vbi Roma non est. Sed haec haecenus. Tu ut me diligas, quousque admodum quidem soles, valetudinemque tuam diligenter teneas, id te etiam atque etiam peto. Vale. Carpent. V. Idibus Decembris. M.D.XXXVIII.

XI.

IACOB. SADOLET. S. R. E. CARDIN. AM-
brofio Catharino Polito, S. P. D.

MAXIMA mea cum voluptate cum accepi librum, quem ad me de peccato originis misisti: in quo ut in inscriptione tituli que indicant, sunt & alia praecleara multa. Sed huius loci placet cognoscendi summa quidem cupiditate sum affectus. Itaque quanquam solennibus occupatisque diebus (hodie enim dominicae mortis memoria recolitur) tamen cum hac pauca scriberem ad te ante lucem, iam bonam partem disputationis tuae, notam legeram quidem, quam eram helluatus. Tantam titulus ipse in me legendi cupiditatem excitat, cum tuam praesertim laudationem scriptoris autoritas & doctrina mihi magnopere commendaret: & sancta omnia mirabiliter placebant. Sed ego ad aliam accuratorem & attentorem lectionem me referuo. Quod tamen haecenus perlectum mihi est, & subtiliter & perdocte mihi videtur scriptum. Tu quod facis, ut perpetuo facere possis, Deum immortalem quaeso, ut te diu nobis incolumem conferuat: multa enim profecto tuo isto singulari ingenio, quae in obscuritate diu iacuerunt, poterunt illustrari. Vale.

& nos dilige. Carp. XXV. Apr.

1541.

IAC.